

**SECRETARÍA GOBERNO
LOCAL**

**Concellería
de SEGURIDADE,
CONTRATACIÓN, FESTAS E
XESTIÓN MUNICIPAL**

**CONCELLO DE
VIGO**



RESOLUCIÓN DE SOLICITUDE DE ACCESO A INFORMACIÓN

INFORME XURÍDICO CON PROPOSTA DE RESOLUCIÓN

Expte: 1934/1102

En data 30/07/2025 D. [REDACTED] presenta escrito, a través do rexistro electrónico, ao abeiro da Lei 19/2013, do 9 de decembro, de transparencia, acceso á información pública e bo goberno (LTAIBG), de acceso a seguinte información

- Copia de todos os informes ou atestados que consten en arquivos e rexistros municipais sobre calquera tipo de incidente relacionado con algunha escaleira de caracol en locais con acceso público, con ou sen licenza municipal, indicando o aforo permitido en cada caso, e tamén todas as medidas de seguridade esixibles en caso de evacuación en cada escaleira de caracol, e datos das inspeccións realizadas."
- Datos estatísticos de todos os incendios en locais de todo tipo, desagregando especialmente os detectados, sancionados ou non, en discotecas e tamén en calquera clase de actividade que sexa competencia deste Concello.
- Do anterior, máximo detalle e precisión informando de todos os incendios que puidesen ser provocados por máquinas de faíscas ou "lume frío", identificando ben cada expediente municipal e normativa aplicada a cada caso."

En data 21.08.2025 e 15.09.2025 ao abeiro do artigo 19.3 LTAIBG solicitouse informe ao servizo xestor.

En data 18.09.2025 emitíuse informe do Xefe do Servizo de Extinción de Incendios.

LEXISLACION APLICABLE

- [Constitución Española de 1978](#)
- [Lei 40/2015, do 1 de outubro, do réxime xurídico do sector público \(LRXSP\)](#)
- [Lei 7/1985, do 2 de abril, das Bases do Réxime Local \(LBRL\)](#)
- [Lei 39/2015, do 1 de outubro, do Procedemento Administrativo Común das Administracións Públicas \(LPAC\)](#)
- [Lei 19/2013, do 9 de decembro, de Transparencia, Acceso á Información Pública e Bo Goberno \(LTAIBG\)](#)
- [Lei Orgánica 3/2018, do 5 de decembro, de Protección de Datos Personais e Garantía dos Dereitos Dixitais \(LOPDGDD\)](#)

Copia do documento - Concello de Vigo
1934-1102

Data impresión: 23/09/2025 13:38

Páxina 1 de 5

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

SECRETARÍA GOBERNO
LOCAL

Concellería
de SEGURIDADE,
CONTRATACIÓN, FESTAS E
XESTIÓN MUNICIPAL

CONCELLO DE
VIGO



- [Regulamento \(UE\) 2016/679 do Parlamento Europeo e do Consello, de 27 de abril de 2016, relativo á protección das persoas físicas no que respecta ao tratamento dos datos persoais e á libre circulación destes datos e polo que se deroga a Directiva 95/46/CE \(RGPD\)](#)

CONSIDERACIÓNS XURÍDICAS

PRIMEIRO.- Do acceso á información.-

A Lei 19/2013, do 9 de decembro, de transparencia, acceso á información pública e bo goberno, regula no seu artigo 12 o dereito de acceso á información pública, preceptuando que *"Todas las personas tienen derecho a acceder a la información pública, en los términos previstos en el artículo 105,b) de la Constitución Española, desarrollados por esta Ley.*

Asimismo, y en el ámbito de sus respectivas competencias, será de aplicación la correspondiente normativa autonómica."

O acceso á información constitúe un verdadeiro dereito subxectivo que se configura de maneira ampla en tanto que son titulares do mesmo todas as persoas sen que as mesmas teñan que alegar interese específico nin ser preciso a motivación da súa solicitude.

Aos efectos da LTAIBG (artigo 13) enténdese por información pública *"los contenidos o documentos, cualquiera que sea su formato o soporte, que obren en poder de alguno de los sujetos incluidos en el ámbito de aplicación de este título y que hayan sido elaborados o adquiridos en el ejercicio de sus funciones."* É precisamente a "información pública" así concibida sobre a que se proxecta o exercicio do dereito de acceso nos termos sinalados no artigo 17.1 LTAIBG: *"El procedimiento para el ejercicio del derecho de acceso se iniciará con la presentación de la correspondiente solicitud, que deberá dirigirse al titular del órgano administrativo o entidad que posea la información"*.

A Lei define o obxecto dunha solicitude de acceso á información en relación a información que xa existe, por canto está en posesión do Organismo que recibe a solicitude, ben porque o mesmo a elaborou ou ben porque a obtivo no exercicio das funcións e competencias que ten encomendadas. E iso, para garantir o obxectivo que persegue a norma e que non é outro que *"ampliar e reforzar a transparencia da actividade pública, regular e garantir o dereito de acceso a información relativa a aquela actividad"* (art. 1 de la LTAIBG).

Copia do documento - Concello de Vigo

Data impresión: 23/09/2025 13:38

Páxina 2 de 5

1934-1102

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

**SECRETARÍA GOBERNO
LOCAL**

**Concellería
de SEGURIDADE,
CONTRATACIÓN, FESTAS E
XESTIÓN MUNICIPAL**

**CONCELLO DE
VIGO**



A LTAIBG recoñece no seu artigo 12 o dereito de todas as persoas a acceder á información pública, e o seu obxectivo é someter a escrutinio a acción dos responsables públicos, coñecer como se toman as decisións que afectan os cidadáns, como se manexan os fondos públicos ou baixo que criterios actúan as nosas institucións. Neste sentido, o Preámbulo da LTAIBG, sinala que *"A transparencia, o acceso á información pública e as normas de bo goberno deben ser os eixos fundamentais de toda acción política. Só cando a acción dos responsables públicos sométese a escrutinio, cando os cidadáns poden coñecer como se toman as decisións que lles afectan, como se manexan os fondos públicos ou baixo que criterios actúan as nosas institucións poderemos falar do inicio dun proceso no que os poderes públicos comezan a responder a unha sociedade que é crítica, esixente e que demanda participación dos poderes públicos."*

SEGUNDO.- Da solicitude formulada

O solicitante interesa acceso a información

1º.- Copia de todos os informes ou atestados que consten en arquivos e rexistros municipais sobre calquera tipo de incidente relacionado con algunha escaleira de caracol en locais con acceso público, con ou sen licenza municipal, indicando o aforo permitido en cada caso, e tamén todas as medidas de seguridade esixibles en caso de evacuación en cada escaleira de caracol, e datos das inspeccións realizadas."

2º- Datos estatísticos de todos os incendios en locais de todo tipo, desagregando especialmente os detectados, sancionados ou non, en discotecas e tamén en calquera clase de actividade que sexa competencia deste Concello.

3º- Do anterior, máximo detalle e precisión informando de todos os incendios que puidesen ser provocados por máquinas de faíscas ou "lume frío", identificando ben cada expediente municipal e normativa aplicada a cada caso."

Segundo informe da Xefatura do Servizo de Extinción de Incendios de data 18.09.2025

*"Respecto a primeira solicitude, **no nos consta nos rexistros, salvo erro, incidente ningún relacionado con escaleiras de caracol en ningún local da cidade.***

Respecto a segunda solicitude, punto primeiro, achégase listado dos incendios en locais comerciais dente o 1 de xuño do 2021, non tendo coñecemento de ningún

Copia do documento - Concello de Vigo
1934-1102

Data impresión: 23/09/2025 13:38

Páxina 3 de 5

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

SECRETARÍA GOBERNO
LOCAL

Concellería
de SEGURIDADE,
CONTRATACIÓN, FESTAS E
XESTIÓN MUNICIPAL

CONCELLO DE
VIGO



incendio en discotecas.

Respecto á segunda solicitude, punto segundo, *este servizo non investiga as causas dos incendios, salvo excepción ou petición expresa dalgún organismo competente ou dalgún xulgado*.

Toda vez que a información solicitada relativa ao listado dos incendios en locais comerciais dente o 1 de xuño do 2021 constitúe información pública nos termos sinalados no artigo 13 da LTAIBG procede facilitar a relación de incendios facilitada.

Non obstante, respecto a existencia de incidente relacionado con algunha escaleira de caracol en locais con acceso público os incendios que puidesen ser provocados por máquinas de faíscas ou "lume frío" cómpre sinalar que segundo informe da xefatura do Servizo de Extinción de incendios non consta dita información polo que a mesma non constitúe información pública nos termos do artigo 13 da LTAIBG.

O artigo 18.1.a) da LTAIBG determina que se inadmitirán a trámite, mediante resolución motivada e, entre outras, as solicitudes que se refiran a información que estea en curso de elaboración ou de publicación xeral."

Neste sentido o Consello de Transparencia e Bo Goberno estima que esta causa de inadmisión concorre nos supostos en que no pódese proporcionar a información porque materialmente non se ten (resolucións 11/2015, do 25 de maio, 403/2015 do 21 de xaneiro entre outras.)

TERCEIRO.- Do órgano competente

A resolución da solicitude correspóndelle á Concelleira de Seguridade, Contratación, e Xestión Municipal segundo Resolución de Alcaldía de delegacións específicas do 28.06.2024.

Polo exposto fórmase a seguinte **PROPOSTA:**

PRIMEIRO.- Estimar parcialmente a solicitude formulada D. [REDACTED] que se recolle no apartado segundo das consideracións xurídicas.

SEGUNDO.- Notificar a solicitante indicándolle que contra a resolución de acceso a información pública que pon fin á vía administrativa poderán interpoñerse os recursos ou reclamacións que a continuación se indican:

Copia do documento - Concello de Vigo
1934-1102

Data impresión: 23/09/2025 13:38

Páxina 4 de 5

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>

SECRETARÍA GOBERNO
LOCAL

Concellería
de SEGURIDADE,
CONTRATACIÓN, FESTAS E
XESTIÓN MUNICIPAL

CONCELLO DE
VIGO



a) Recurso contencioso-administrativo perante o xulgado do Contencioso Administrativo de Vigo, dentro do prazo de dous meses contados desde o día seguinte ao da recepción desta notificación.

b) Con carácter potestativo, reclamación previa á súa impugnación ante a xurisdición contencioso-administrativa perante o Valedor do Pobo de Galicia, dentro do prazo dun mes a contar desde o día seguinte ao da recepción desta notificación ou desde o día seguinte a aquel en que se produzan os efectos do silencio administrativo. No caso de optar pola reclamación non se poderá interpoñer o recurso contencioso-administrativo ata que aquela sexa resolta expresamente ou se producise a súa desestimación por silencio administrativo.

Todo iso sen prexuízo de calquera outro recurso ou acción que estime procedente”.

A Secretaria de Goberno Local, Susana Gallardo Fariña

DECRETO: Vista a precedente proposta, **RESOLVO DE CONFORMIDADE COA MESMA.**

Vigo, data segundo sinatura electrónica á marxe

A Concelleira de Seguridade, Contratación, Festas e Xestión Municipal, Dona. Patricia Rodriguez Calviño (Resolución da Alcaldía de data 19.06.2023 modificada por Resolución de data 28.06.2024 e Resolución de delegación específicas de data 28.06.2024, BOP nº 133 de data 9.07.2024)

Dou fe, a secretaria

Copia do documento - Concello de Vigo

Data impresión: 23/09/2025 13:38

Páxina 5 de 5

1934-1102

Pode validar e/ou obter copia electrónica do documento utilizando o código QR da esquerda ou o código de verificación na dirección <http://www.vigo.org/csv>